

文淵閣

影印

四庫全書

影印

文淵閣四庫全書

第四六八冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

三 輔 黃 圖

不著撰人……………一

禁 扁

元 王士點撰……………三七

元 和 郡 縣 志

唐 李吉甫撰……………一三二

欽定四庫全書

史部
三輔黃圖卷一至三

詳校官監察御史_臣查瑩

檢討_臣德生覆勘

總校官原任_臣王燕緒

校對官修撰_臣陳初哲

謄錄監生_臣連彭年

欽定四庫全書

史部十一

三輔黃圖

地理類一宮殿簿之屬

提要

_臣等謹案三輔黃圖六卷不著撰人名氏晁公武讀書志據所引劉昭續漢志注定為梁陳間人作程大昌雍錄則謂晉灼所引黃圖多不見於今本而今本漸臺滄池高廟元始祭社稷儀皆明引舊圖知非晉灼之所見又

欽定四庫全書

三輔黃圖
提要

據改槐里為興平事在至德二載知為唐肅宗以後人作其說較公武為有據此本惟高廟一條不引舊圖永池一條引舊圖而大昌未及其餘三條並同蓋即大昌所見之本偶誤永池為高廟也其書皆記長安古迹間及河周代靈臺靈囿諸事然以漢為主亦間及河間日華宮梁曜華宮諸事而以京師為主故稱三輔黃圖三輔者顏師古謂長安以東為

京兆長陵以北為左馮翊渭城以西為右扶風也所紀宮殿苑囿之制條分縷析至為詳備考古者恒所取資惟兼采西京雜記漢武故事諸偽書洞冥記拾遺記諸雜說愛博嗜奇轉失精核不免為白璧微瑕耳乾隆四十二年十月恭校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

三輔黃圖
提要

三輔黃圖原序

易曰上古穴居而野處後世聖人易之以宮室上棟下宇以待風雨蓋取諸大壯三代盛時未聞宮室過制秦穆公居西秦以境地多良材始大宮觀戎使由余適秦穆公示以宮觀由余曰使鬼為之則勞神矣使人為之則苦人矣是則穆公時秦之宮室已壯大矣惠文王初都咸陽取岐雍巨材新作宮室南臨渭北踰涇至於離宮三百復起阿房未成而亡始皇并滅六國憑藉富強益為驕侈殫天下財力以事營繕項羽入關燒宮闕三月火不滅漢高祖有天下始都長安實曰西京欲其子孫長安都於此也_{長安本秦之鄉名高祖作都}至孝武皇帝承文景菲薄之餘恃邦國阜繁之資土木之役倍秦越舊斤斧之聲畚鍤之勞歲月不息蓋騁其邪心以誇天下也昔孔子作春秋築一臺新一門必書於經謹其廢農時奪民力也今哀采秦漢以來宮殿門闕樓觀池苑在關輔者著於篇曰三輔黃圖云東都不與焉

欽定四庫全書

三輔黃圖
原序

欽定四庫全書

三輔黃圖卷一

三輔沿革

禹貢九州舜置十二牧雍其一也古豐鎬之地平王東

遷以岐豐之地賜秦襄公至孝公始都咸陽秦孝公十

徙作咸陽咸陽在九峻山渭水北山水俱在南故名咸

陽秦并天下置內史以領關中項籍滅秦分其地為三

以章邯為雍王都廢丘今興平縣地司馬忻為塞王都櫟陽

欽定四庫全書

三輔黃圖

董翳為翟王都高奴今延川縣謂之三秦漢高祖入關定

三秦元年更為渭南郡九年罷郡復為內史五年高帝

在洛陽婁敬說曰夫秦地被山帶河四塞以為固卒然

有急百萬眾可立具因秦之故資甚美膏腴之地此所

謂天府陛下入關而都之山東雖亂秦故地可全而有

也又田肯賀高帝曰陛下治秦中秦形勢之國帶河阻

山持戟百萬秦得百二焉地勢便利其以下兵於諸侯

猶居高屋之上建瓴水也自是漢始都之景帝分置左

右內史此為右內史武帝太初元年改內史為京兆尹

與左馮翊右扶風謂之三輔其輔俱在長安古城中

三輔治所

京兆在故城南尚冠里

京大也天子曰兆民公羊曰京大也師衆也天子所居

馮翊在故城內太上皇廟西南

馮憑也翊輔也翊輔京師也其地今同州

扶風在夕陰街北

扶持也助也言助風化也今岐州

三輔者謂主爵中尉及左右內史漢武帝改曰京兆尹

左馮翊右扶風共治長安城中是為三輔三輔郡皆有

欽定四庫全書

三輔黃圖

都尉如諸郡京輔都尉治華陰左輔都尉治高陵右輔

都尉治郿王莽分長安城旁六鄉置帥各一人分三輔

為六都尉渭城安陵以西北至栒邑義渠十縣屬京尉

大夫府居故長安寺高陵以北十縣屬師尉大夫府居

故廷尉府新豐以東至湖十縣屬翊尉大夫府居城東

霸陵杜陵以東至藍田西至武功郁夷十縣屬光祿大

夫府居城西茂陵槐里以西至汧十縣屬扶尉大夫府

居城西長陵池陽以北殺綦十縣屬列尉大夫府居後

漢光武之後扶風出治槐里馮翊出治高陵案百官表顏師古注

引黃圖云京兆在尚冠街東入故中尉府馮翊在太

上皇廟西入右扶風在夕陰街北入故主爵府長安以

東為京兆長陵以北為左

馮翊渭北以西為右扶風

咸陽故城

在今咸陽東二十里

自秦孝公至始皇帝胡亥並都此城案孝公十二年作

咸陽築冀闕徙都之始皇二十六年徙天下高貴富豪

於咸陽十二萬戶諸廟及臺苑皆在渭南秦每破諸侯

徹其宮室作之咸陽北坂上南臨渭自雍門以東至涇

欽定四庫全書

三輔黃圖

三

渭殿屋複道周閣相屬所得諸侯美人鐘鼓以充之二

十七年作信宮渭南已而更命信宮為極廟象天極自

極廟道通驪山作甘泉前殿築甬道自咸陽屬之始皇

窮極奢侈築咸陽宮因北陵營殿端門四達以制紫宮

象帝居引渭水灌都以象天漢橫橋南渡以法牽牛橋

廣六丈南北二百八十步六十八間八百五十柱二百

一十二梁橋之南北隄繳立石柱咸陽北至九峻甘泉

南至鄠杜東至河西至汧渭之交東西八百里南北四

百里離宮別館相望聯屬木衣綈綉土被朱紫宮人不

移樂不改懸窮年忘歸猶不能徧

宮驛道

荊陽宮秦文王所起在今鄠縣西南二十三里

械楊宮秦昭王所作在今岐州扶風縣東北

西垂宮文公元年居垂宮

平陽封宮武公元年伐彭戲氏至于華山下居於平陽

封宮

欽定四庫全書

三輔黃圖

四

橐泉宮皇覽曰秦穆公冢在橐泉宮祈年觀下

步高宮在新豐縣亦名市丘城

步壽宮在新豐縣步高宮西

號宮秦宣太后起在今岐州號縣界

長楊宮在今盤屋縣東南三十里本秦舊宮至漢修飾

之以備行幸宮中有垂楊數畝因為宮名門曰射熊觀

秦漢游獵之所

斬年宮穆公所造廟記曰斬年宮在城外秦始皇本紀

新年宮在雍

梁山宮始皇幸梁山在好時

信宮亦曰咸陽宮

解見前

興樂宮秦始皇造漢修飾之周回二十餘里漢太后常居之

朝宮始皇三十五年以咸陽人多先王之宮庭小曰吾聞周文王都豐武王都鎬豐鎬之間帝王之都也乃營朝宮於渭南上林苑庭中可受十萬人車行酒騎行炙

欽定四庫全書

三輔黃圖
卷一

五

千人唱萬人和收天下兵

古以銅為兵

聚之咸陽銷以為鐘

錄高三丈鐘小者皆千石也銷鋒鏑以為金人十二以

弱天下之人立於宮門

三輔舊事云鑄金人立阿房殿前

坐高三丈銘

其後曰皇帝二十六年初兼天下改諸侯為郡縣一法

律同度量大人來見臨洮其大五丈足跡六尺銘李斯

篆蒙恬書董卓悉摧破銅人銅臺以為小錢英雄記曰

昔大人見臨洮而銅人鑄臨洮生卓而銅人毀天下大

亂卓身滅抑有以也餘二人魏明帝欲徙詣洛陽清明

門裏載至霸城重不可致便留之

阿房宮亦曰阿城惠文王造宮未成而亡始皇廣其宮

規恢三百餘里離宮別館彌山跨谷輦道相屬閣道通

驪山八十餘里表南山之顛以為關絡樊川以為池作

阿房前殿東西五十步南北五十丈上可坐萬人下建

五丈旗以木蘭為梁以磁石為門

磁石門乃阿房北闕門也門在阿房前悉

以磁石為之故專其目今四夷朝者有隱甲皆以入門而脅止以示神亦曰却胡門

周馳為複道

度渭屬之咸陽以象太極閣道抵營室也阿房宮未成

欽定四庫全書

三輔黃圖
卷一

六

欲更擇令名名之作宮阿基旁故天下謂之阿房宮隱

宮徒刑者七十餘萬人乃分作阿房宮

或作驪山蘭池宮始皇三十一年為微行咸陽與武士

四人俱夜出逢蘭池注渭城縣有蘭池宮

鐘宮在鄠縣東北二十五里始皇收天下兵銷為鍾錄

此或其處也

馳道案秦本紀始皇二十七年治馳道注曰馳道天子

道也蔡邕曰馳道天子所行道也今之中道然漢書賈

山傳曰秦為馳道於天下東窮燕齊南極吳楚江湖之上濱海之觀畢至道廣五十步三丈而樹厚築其外隱以金椎樹以青松漢令諸侯有制得行馳道中者行旁道無得行中央三丈也不如今沒入其車馬

雲閣二世所造起雲閣欲與南山齊

望夷宮在涇陽縣界長平觀道東北臨涇水以望北夷以為宮名

林光宮胡亥所造從廣各五里在雲陽縣界

欽定四庫全書

三輔黃圖
卷一

七

漢長安故城

漢之故都高祖七年方修長安宮城自櫟陽徙居此城本秦離宮也初置長安城本狹小至惠帝更築之按惠帝元年正月初城長安城三年春發長安六百里內男女十四萬六千人三十日罷城高三丈五尺下闊一丈五尺六月發徒隸二萬人常役至五年復發十四萬五千人三十日乃罷九月城成高三丈五尺下闊一丈五尺上闊九尺雉高三坂周回六十五里城南為南斗形

北為北斗形至今人呼漢京城為斗城是也漢舊儀曰長安城中經緯各長三十二里十八步地九百七十二頃八街九陌三宮九府三廟十二門九市十六橋地皆黑壤今赤如火堅如石父老傳云盡鑿龍首山土為城水泉深二十餘丈樹宜槐與榆松栢茂盛焉城下有池周繞廣三丈深二丈石橋各六丈與街相直

秦漢風俗

漢志曰秦有四塞之固昔后稷封釐公劉處豳太王徙

欽定四庫全書

三輔黃圖
卷一

岐文王作豐武王治鎬其民有先王遺風好稼穡本業故豳詩言農桑衣食之業甚備秦都咸陽徙天下富豪十二萬戶漢高帝都長安徙諸齊田楚屈昭景及諸功臣於長陵後世世徙吏二千石高貨富人及豪傑兼井之家於諸陵強本弱末以制天下是故五方錯雜風俗不一貴者崇侈靡賤者薄仁義富強則商賈為利貧窶則盜賊不禁閭里嫁娶尤尚財貨送死過度故漢之京輔號為難理古今之所同也

都城十二門

長安城東出南頭第一門曰霸城門民見門色青名曰青城門或曰青門門外舊出佳瓜廣陵人邵平為秦東陵侯秦破為布衣種瓜青門外瓜美故時人謂之東陵瓜廟記曰霸城門亦曰青綺門漢書王莽天鳳三年霸城門災莽更霸城門曰仁壽門無疆亭

長安城東出第二門曰清明門一曰籍田門以門內有籍田倉一曰凱門漢書平帝元始四年東風吹屋瓦且

欽定四庫全書

三輔黃圖
卷一

九

盡即此門也漢宮殿疏曰第二門名城東門莽更名曰宣德門布恩亭

長安城東出北頭第一門曰宣平門民間所謂東都門漢書曰成帝建始元年有白蛾羣飛蔽日從東都門至枳道又疏廣太傅受少傅上疏乞骸骨歸公卿大夫為設祖道供張東都門外即此門也其郭門亦曰東都即逢萌掛冠處也王莽更名春王門正月亭東都門至外

郭亭十三里

長安城南出東頭第一門曰覆盎門一號杜門廟記曰

覆盎門與洛門相去十三里二百一十步門外有魯班輸所造橋工巧絕世長樂宮在城中近東直杜門其南有下杜城漢書集註云故杜陵之下聚落也故曰下門又曰端門北對長樂宮漢書曰戾太子所斫覆盎門出奔湖王莽更名曰永清門長茂亭

長安城南出第二門曰安門亦曰鼎路門北對武庫王莽更名曰光禮門顯樂亭

欽定四庫全書

三輔黃圖
卷一

十

長安城南出第三門曰西安門北對未央宮一曰便門即平門也古者平便皆同字武帝建元二年初作便門橋跨渡渭水上以趨陵其道易直三輔決錄曰長安城西門曰便橋橋北與門對因號便橋王莽更名曰信平門誠正亭

長安城西出南頭第一門曰章城門漢宮殿疏曰章城門漢城西面南頭第一門三輔舊事曰章門一曰光華門又曰便門漢書成帝元延元年章城門壯自亡

顏師古注

云牡所以下開者也亦以鐵為之王莽改曰萬秋門億年亭

長安城西出第二門曰直城門漢宮殿疏曰西出南頭第二門也亦曰故龍樓門門上有銅龍本名直門王莽更曰直道門端路亭

長安城西出北頭第一門曰雍門本名西城門王莽改曰章義門著義亭其水北入有亟里民呼曰亟里門

長安城北出東頭第一門曰洛城門又曰高門漢宮殿疏曰高門長安北門也又名鸛雀臺門外有漢武承露

欽定四庫全書

三輔黃圖
卷一

十二

盤在臺上

長安城北第二門曰厨城門長安厨在門內因為門名

王莽更名建子門廣世亭

長安城北出西頭第一門曰橫門漢書虎上小女陳持

弓走入光門即此門也門外有橋曰橫橋漢書作走入橫城門如浮

曰橫音光

漢城門皆有候門候主候時謹啓閉也三輔決錄曰長

安城面三門四面十二門皆通達九達以相經緯衢路

平正可並列車軌十二門三塗洞闢隱以金椎周以林木左右出入為往來之徑行者升降有上下之別班固西都賦云披三條之廣路立十二之通門又張衡西京賦云城郭之制則旁開三門參塗夷庭方軌十二街衢相經是也

欽定四庫全書

三輔黃圖
卷一

十二

三輔黃圖卷一

欽定四庫全書

三輔黃圖卷二

長安九市

廟記云長安市有九各方二百六十六步六市在道西
三市在道東凡四里為一市致九州之人在突門夾橫
橋大道市樓皆重屋又曰旗亭樓在杜門大道南又有
當市樓有令署以察商賈貨財買賣貿易之事三輔都
尉掌之直市在富平津西南二十五里即秦文公造物
無二價故以直市為名張衡西京賦云廓開九市通關
帶闌旗亭五重俯察百隧是也又案郡國志長安大俠
黃子夏居柳市司馬季主卜於東市晁錯朝服斬於東
市西市在醴泉坊

長安八街九陌

有香室街夕陰街尚冠前街三輔舊事云長安城中八
街九陌漢書劉屈氂妻臯首華陽街京兆尹張敞走馬
章臺街陳湯斬郅支王首縣崇街張衡西京賦云參塗

夷庭街衢相經廛里端直甍宇齊平是也

長安城中閭里

長安閭里一百六十室居櫛比門巷修直有宣明建陽
昌陰尚冠修城黃棘北煥南平等里漢書萬石君奮徙
家長安戚里宣帝在民間時常在尚冠里劉向列女傳
節女長安大昌里人也

漢宮

長樂宮本秦之興樂宮也高皇帝始居櫟陽七年長樂

欽定四庫全書

三輔黃圖
卷二

宮成徙居長安城三輔舊事宮殿疏皆曰興樂宮秦始
皇造漢修飾之周四二十里前殿東西四十九丈七尺
兩好中三十五丈深十二丈長樂宮有鴻臺有臨華殿
有溫室殿有信宮長秋永壽永寧四殿高帝居此宮後
太后常居之孝惠至平帝皆居未央宮漢書宣帝元康
四年神爵五采以萬數集長樂宮五鳳三年鸞鳳集長
樂宮東闕中樹上王莽改長樂宮為長樂室在長安中
近東直杜門

未央宮漢書曰高祖七年蕭何造未央宮立東闕北闕

闕門觀也劉熙釋名曰闕在門兩旁中央闕然為道也

門闕天子號令賞罰所由出也未央宮殿雖南向而上

書奏事謁見之徒皆在北闕馬是則以北闕為正門而

又有東闕東門至於西南兩面無門闕矣蓋蕭何立未

央宮以厭勝前殿武庫藏兵器太倉庫粟所在一百三

之術理然乎上見其壯麗之甚怒曰天下匈匈勞苦數歲成敗未

可知是何治宮室過度也何對曰以天下未定故可因

以就宮室且天子以四海為家非令壯麗無以重威無

今後世有以加也上悅自櫟陽徙居焉未央宮周四二

十八里前殿東西五十丈深十五丈高三十五丈

前殿同路寢見諸侯營未央宮因龍首山以制前殿

山長六十里達樊川秦時有黑龍從南山出飲渭水其行道因成土

山疏山為臺殿不假板築高出長安城西京賦所謂疏

龍首以抗至孝武以木蘭為焚櫟木蘭香木文杏為梁

柱有文者金鋪玉戶金鋪扉上有金華中作獸及龍蛇

柱有文者華榱璧璫雕楹玉碣柱下石也重軒鏤檻青鎖丹墀

殿階也左砥右平右乘車上故使之平左以八黃金為

壁帶間以和氏珍玉風至其聲玲瓏然也未央宮有宣

室麒麟金華承明武臺鈎弋等殿又有殿閣三十有二

有壽成萬歲廣明椒房清涼水延玉堂壽安平就宣德

東明飛兩鳳凰通光曲臺白虎等殿廟記云未央宮有

增城昭陽殿漢宮殿疏曰未央宮有麒麟閣天祿閣有

金馬門青瑣門玄武蒼龍二闕朱鳥堂畫堂甲觀非常

室又有鈎盾署弄田三輔決錄曰未央宮有延年殿合

歡殿四車殿又漢宮閣記云未央宮有宣明長年溫室

昆德四殿又有玉堂增盤閣宣室閣三輔舊事云武帝

於未央宮起高門武臺殿漢武故事云神明殿在未央

宮王莽改未央宮曰壽成室前殿曰玉路堂如路寢也

按舊圖漸臺織室凌室皆在未央宮

建章宮武帝太初元年栢梁殿災粵巫勇之曰粵俗有

火災即復起大屋以厭勝之帝於是作建章宮度為十

門萬戶宮在未央宮西長安城外帝於未央宮營造日

廣以城中為小乃於宮西跨城池作飛閣通建章宮構

輦道以上下輦道為閣道可宮之正門曰閭闔閭闔天

門名闕闕者高二十五丈亦曰壁門左鳳闕闕上有金鳳高丈餘

漢書集注曰今長安故城西高二十五丈右神明臺言俗呼貞女樓即建章闕也

高神明可門內北起別風闕在闕闕門內以其出宮垣居其上

也高五十丈對峙井幹樓高五十丈輦道相屬焉連閣

皆有累恩連閣曲閣也以覆重刻垣墉屏翳之處畫以雲氣鳥獸其形累恩然前殿下視

未央其西則廣中殿受萬人三輔舊事云建章周四三

十里東起別風闕高二十五丈乘高以望遠又於宮門北

起圓闕高二十五丈上有銅鳳凰赤眉賊壞之西京賦

欽定四庫全書

三輔黃圖卷二

五

云圓闕聳以造天若雙碣之相望是也廟記云建章宮

北門高二十五丈建章北闕門也又有鳳凰闕漢武帝

造高七十丈五尺鳳凰闕亦名別風闕又云嶢峣闕在

圓闕門內二百步繁欽建章序云秦漢規模廓然泯毀

惟建章鳳闕聳然獨存雖非象魏之制亦一代之巨觀

古歌云長安城西有雙闕上有雙銅雀一鳴五穀成再

鳴五穀熟按銅雀即銅鳳凰也楊震關輔古語云長安民

俗謂鳳凰闕為貞女樓司馬相如賦云豫章貞女樹長千仞大連抱冬夏常青未嘗凋

落若有貞節故以為名漢書曰建章宮南有玉堂壁門三層臺高

三十丈玉堂內殿十二門階陛皆玉為之鑄銅鳳高五

尺飾黃金樓屋上下有轉樞向風若翔椽首薄以璧玉

因曰壁門建章有駘蕩馭娑粉詣天梁奇寶鼓簧等

宮又有玉堂神明堂疏圃鳴鑾奇華銅柱玉德二十六

殿太液池唐中池

桂宮漢武帝造周四十餘里漢書曰桂宮有紫房複道

通未央宮關輔記云桂宮在未央北中有明光殿土山

欽定四庫全書

三輔黃圖卷二

六

複道從宮中西上城至建章神明臺蓬萊山三秦記未

央宮漸臺西有桂宮中有光明殿皆金玉珠璣為簾箔

處處明月珠金陸玉階晝夜光明又西京雜記云武帝

為七寶牀雜寶按廁寶屏風列寶帳設於桂宮時人謂

為四寶宮長安記曰桂宮在未央宮北亦曰北宮

北宮在長安城中近桂宮俱在未央宮北周四里高

帝時制度草創孝武增修之中有前殿廣五十步珠簾

玉戶如桂宮漢書曰呂太后崩孝惠皇后廢處北宮又

曰哀帝崩貶皇太后趙氏為孝成皇后退居北宮皇后
薄氏退居桂宮

甘泉宮一曰雲陽宮史記秦始皇二十七年作甘泉宮

及前殿築甬道築垣牆如街巷自咸陽屬之關輔記曰林光宮

一曰甘泉宮秦所造在今池陽縣西故甘泉山宮以山

為名或曰高泉山蓋習俗語訛爾宮周匝十餘里漢武帝建元中增

廣之周十九里去長安三百里望見長安城黃帝以來

圜丘祭天處漢志雲陽縣有休屠金人徑路神祠三所音義云匈奴祭天處本雲陽甘泉山下秦

欽定四庫全書

三輔黃圖卷二

奪其地徙休屠右地郊祀志云徑路神祠祭休屠王處遁甲開山圖云雲陽先生

之墟也武帝造闕於南以象方色於甘泉宮更置前殿

始造宮室有芝生甘泉殿邊房中房中樂有芝草之歌漢舊儀云

芝有九莖芝草歌曰九莖連葉芝金色綠葉朱實夜有光乃作芝

房之歌帝又起紫殿雕文刻鏤黼黻以玉飾之成帝永

始四年行幸甘泉郊泰時神光降於紫殿今按甘泉谷

北岸有槐樹今謂玉樹根幹盤峙三二百年木也楊震

關輔古語云耆老相傳咸以謂此樹即楊雄甘泉賦所

謂玉樹青葱也甘泉有高光宮又有林光宮有長定宮

竹宮通天臺通靈臺武帝作迎風館於甘泉山後加露

寒儲胥二館皆在雲陽甘泉中西廂起彷徨觀築甘泉

苑建元中作石闕封巒鵲觀於苑垣內宮南有昆明

池苑南有棠梨宮漢未央長樂甘泉宮四面皆有公車

公車主受章疏之處

司馬門凡言司馬者宮垣之內兵衛所在司馬主武事

故謂宮之外門為司馬門按漢官衛令諸出入殿門公

欽定四庫全書

三輔黃圖卷二

車司馬門者皆下不如令罰金四兩王莽改公車司馬

門曰王路四門分命諫大夫四人受章疏以通下情百官

表衛尉屬官有公車司馬令丞漢官儀云公車司馬掌殿司馬門夜徹宮中天下上事及闕下凡所徵召皆總

領之令秩六百石

三輔黃圖卷二

欽定四庫全書

三輔黃圖卷三

長樂未央建章北宮甘泉宮中宮室臺殿

鴻臺秦始皇二十七年築高四十丈上起觀宇帝嘗射
飛鴻于臺上故號鴻臺漢書惠帝四年長樂宮鴻臺災
臨華殿在長樂宮前殿後武帝建漢書成帝永始四年
長樂宮臨華殿災

溫室殿按漢宮殿疏在長樂宮又漢宮閣記在未央宮

欽定四庫全書

三輔黃圖
卷三

長信宮漢太后常居之按通靈記太后成帝母也后宮
在西秋之象也秋主信故宮殿皆以長信長秋為名又
永壽永寧殿皆后所處也成帝母王太后居長信宮

右長樂宮

宣室溫室清涼皆在未央宮殿北宣明廣明皆在未央
殿東昆德玉堂皆在未央殿西

宣室未央前殿正室也淮南子曰周武王殺紂於宣室
漢取舊名也漢書曰文帝受釐宣室夜半前席賈生問

鬼神之事即此也又王莽地皇四年城中少年朱弟張
魚等燒宮莽避火宣室前殿火輒隨之

溫室殿武帝建冬處之溫暖也西京雜記曰溫室以椒
塗壁被之文繡香桂為柱設火齊屏風鴻羽帳規地以
罽賓氍毹漢書曰孔光為尚書令歸休與兄弟妻子燕
語終不及朝省政事或問溫室省中樹何木光不應漢書
京房奏考功課吏法上
今公卿朝臣會議溫室

清涼殿夏居之則清涼也亦曰延清室漢書曰清室則

欽定四庫全書

三輔黃圖
卷三

中夏含霜即此也董偃常卧延清之室以畫石為牀文
如錦紫琉璃帳以紫玉為盤如屈龍皆用雜寶飾之侍
者於外扇偃偃曰玉石豈須扇而後涼邪又以玉晶為
盤貯冰於膝前玉晶與冰相潔侍者謂冰無盤必融濕
席乃拂玉盤墜冰玉俱碎玉晶千塗國所貢也武帝以
此賜偃

麒麟殿未央宮有麒麟殿漢書哀帝燕董賢父子於麒
麟殿視賢曰吾欲法堯禪舜如何王閔曰天下乃高皇